

Mandinka - Betoo-Jawoo Miirroolu Kitaabu Senuŋo - Good-Bad Mind Scriptures

Betoo Miirroolu Kitaabu Senuŋo - Good Mind Scriptures

Maaka 5:15 Kabiriŋ i naata Yeesu kaŋ, i ye kewo ŋiŋ tara siiriŋ jee, meŋ mu seetaanitoo ti nuŋ, bari saayiŋ duŋ feŋolu be a la, aduŋ a sondonmoo seyita a ŋaama. Seetaani jawu jamaa be a la nuŋ, wo kamma la moolu silata.

Luka 8:35 Wo to le moolu naata ka a juubee, meŋ keta. Kabiriŋ i naata Yeesu kaŋ, i ye kewo ŋiŋ tara siiriŋ Yeesu siŋolu daala, seetaani jawoolu bota meŋ bala. Saayiŋ duŋ feŋolu be a la, aduŋ a sondonmoo seyita a ŋaama. Bitun i silata.

Kiilaalu 17:11 Bereya Yahuudoolu le daajikoo beteyaata Tesalonika Yahuudoolu ti, kaatu i ye ŋiŋ kumoo muta niŋ hame baa le la. Luŋ-wo-luŋ i ka a kisikisi le, fo ŋiŋ kumoo niŋ Kitaabu Senuŋolu taata ŋoo la le.

Kiilaalu 20:19 N ka Maariyo batu niŋ fammajii baa la, anin ŋaajijo. N ka a batu bataa kuwolu le bee kono, mennu boyita n kaŋ ka bo niŋ Yahuudoolu la feeroolu la.

Roomankoolu 7:25 Tenturoo be Yehowa ye, firijo naata ka bo niŋ Yeesu Kiristu le la, m Maariyo! Saayiŋ, n sondonmoo kono n sonta le ko, nte mu joŋo le ti Yehowa la Luwaa ye, bari m balajaatoo niŋ a la hame kuwolu le ye a tinna, n ka luwaa doo muta, meŋ mu junuboo la maraloo ti.

Roomankoolu 8:6 Ka i hakiloo tu i fansuŋ hame kuwolu kaŋ, wo ka saayaa le saabu, bari ka i hakiloo tu Yehowa la Nooroo la kuwolu kaŋ, wo ka baluwo niŋ kayiroo le saabu.

Roomankoolu 8:27 Yehowa meŋ ka moolu sondomoolu kisikisi, a ka a loŋ ne, Nooroo ka meŋ yitandi, kaatu Nooroo le ka loo moo senuŋolu ye ko Yehowa lafita a la ŋaameŋ.

Roomankoolu 11:34 "Jumaa le ye Maariyo la miirroolu loŋ, waraŋ ka ke a yaamarilaa ti?"

Roomankoolu 12:2 Ali kana ali faŋolu tembendi ŋiŋ duniyaa kuwolu fee, bari ali si yelema ka bo niŋ hakili kutayandiroo la. Wo to le ali be Yehowa la lafoo loŋ na kuwolu to, mennu beteyaata, i timmata, anin i ka a seewondi.

Roomankoolu 12:16 Ali ke ḥaniya kiliŋ ti ŋoo ye. Ali kana faŋ waroo soto, bari ali niŋ moolu si kafuňooyaa mennu maŋ i faŋ siyaa moo ti. Ali kana a miira ko, alitolu le ŋaamenta.

Roomankoolu 14:5 Moo doo la miiraloo to, luŋolu kummaayaata ŋoo ti le, bari moo doo fee, i bee mu kiliŋ ne ti. Wo to ŋiŋ kuwo to, moo-wo-moo sondonmoo si dankeneyaa a la miirroolu kono.

Roomankoolu 15:6 Bitun ali si Yehowa jayi, meŋ mu m Maarii Yeesu Kiristu

Faamaa ti, niŋ sondome kiliŋ la anij kaŋ kiliŋ.

- 1 Korintinkoolu 1:10 Baadiŋolu, ḥa ali daani m Maarii Yeesu Kiristu too la ko, ali bee si ke kiliŋ ti. Kannawaaliyo kana tara ali teema, bari ali si ke hakili kiliŋ ti, anij ḥaniya kiliŋ.
- 1 Korintinkoolu 2:16 A be safeerij i la kuwo to le ko: "Jumaa le ye Maariyo la miroolu loŋ, waraŋ ka ke a yaamarilaa ti?" Bari n niŋ Kiristu la miiraliňaa mu kiliŋ ne ti.
- 2 Korintinkoolu 7:7 A maŋ n sabarindi a la naa dorŋ na, bari sabarindiroo fanaa la, ali ye meŋ dii a la. Ali faamata nte la ŋaameŋ, a ye wo fanaa fo n ye le, anij ali ka n kumboo ŋaameŋ anij ali ye hamoo meŋ soto n na kuwo to. Wo le naata n na seewoo kafu.
- 2 Korintinkoolu 8:12 Niŋ hamoo be jee ka diiroo ke, wo be muta la niŋ tenturoo la le, a te dendij sotoo la, meŋ te ali bulu. (1 Kronika 28:9)
- 2 Korintinkoolu 9:2 kaatu ḥa a loŋ ne, ali pareeta maakoyiroo la ŋaameŋ. N ka kibiri ali la kuwo la lannamoolu ye le, menu be Makedoniya tundoo kaŋ. N ka a fo i ye le ko, "Akaya be diiroo parendi kaŋ ne biriŋ seruŋ." Ali la niŋ hamoo ye i jamaa maamandi ka i daa bula niŋ maakoyiroo to.
- 2 Korintinkoolu 13:11 Labaŋo la, baadiŋolu, ali seewoo! Ali ali hakiloo tu, ali kuwolu murundi i ŋaama, ali n na kumoolu muta niŋ ali bulu fuloo la. Ali soŋ ŋoo ma, ali ye tara ŋoo kaŋ kayiroo kono. Yehowa meŋ ka kayiroo niŋ kanoo dii, a si tara ali fee.

Efesusinkoolu 4:23 Ali sondomoolu niŋ ali hakilolu si kutayandi,

Filipinkoolu 2:2-5 Baawo ali ye wolu soto le, ali n na seewoo timmandi niŋ hame kiliŋ sotoo la, ali ye kanu kiliŋ ne soto. Ali soŋ ŋoo ma, ali ye ke ḥaniya kiliŋ ti, anij hakili kiliŋ. 3 Ali kana feŋ ke ali fansuŋ nafaa kamma, waraŋ ka horomoo ŋini ali faŋo ye, bari ali baadiŋ Yeesu noomalankoolu muta fammajiyo niŋ horomoo kono ka tambi ali faŋolu la. 4 Ali meŋ-wo-meŋ kana a la kuŋ kiliŋ nafaa dorŋ juubee, bari a si doolu fanaa taa juubee. 5 Ali daajikoolu ŋanta ke la le ko Kiristu Yeesu daajikoo be ŋaameŋ:

Filipinkoolu 4:2 Da Yuwodiya niŋ Sintike daani le ka soŋ ŋoo ma ko Maariyo noomalankayaa hakoo be ŋaameŋ.

Filipinkoolu 4:7 Wo to le Yehowa la kayiroo meŋ warata ka tambi hadamadiŋolu la fahaamuroo bee la, a be ali sondomoolu niŋ ali la miroolu kanta la Kiristu Yeesu kono le. (Yesaya 26:3)

Kolosankoolu 3:12 Bari Luwaa maŋ tara dendij lannoŋ la, kaatu a fota le ko, "Moo meŋ ka Luwaa yaamaroolu bee muta, wo be baluu la a la le."

2 Tesalonikankoolu 2:2 M be ali daani la, ali kana tariyaa piwu la, waraŋ ka bara, niŋ ali ye kibaaroo moyi ko, Maariyo la luŋo siita le fokabaŋ. Ali sondomoolu kana toora, hani niŋ wo kumoo bota niŋ kiilaariyaa kumoo le la, anij kuma koteŋ, waraŋ leetaroo, i ko, meŋ bota ntolu bulu.

2 Timoti 1:7 kaatu a maŋ ke jooteeyaa nooroo ti, Yehowa ye meŋ dii n na, bari semboo, kanoo anij farj mutoo nooroo.

Titus 2:6 Wo ñaa kiliñ la, i si fondinkewolu yaamari ka ì fañolu muta kuu.

Hiburunkoolu 8:10 "M be kambeñ kutoo meñ siti la n niñ Banisirayila teema, niñ wo luñolu tambita, a be ke la ñiñ ne ti: M be n na yaamaroolu ke la ì hakiloolu kono le, ña ì safee ì sondomoolu bala. M be ke la ì la Yehowa le ti, aduñ ì be ke la n na moolu le ti." Maariyo le ye a fo.

1 Pita 1:13 Wo to, ali ali hakiloo tu, ali ye ali fañ mara, aduñ ali si ali jikoo bee loo hiinoo kañ, meñ be dii la ali la, Yeesu Kiristu be muru la nañ waatoo meñ na.

1 Pita 5:2 Ali Yehowa la saajii koorewo topatoo, a ye meñ karafa ali ma. Ali kana a ke niñ ñunuñunoo la, bari ali duña a kewo la. Ali kana a ke naafulu ñiniraño ti, bari ali a ke niñ ñaniya betoo la.

2 Pita 3:1 N kanuntewolu, ñiñ mu n na leetari fulanjaño le ti ali ye, aduñ ì fuloo bee daliiloo mu ka ke hakilibulandiraño ti. N lafita le, ì si ali sondome senuñolu maa, Yankuba 1:17 Soorifeñ-wo-soorifeñ men beteyaata anij meñ timmata, ì bota nañ m Faamaa le yaa, meñ ye malafeñolu daa. A buka faliñ, aduñ a maloo te ke noo la niiniyo ti. (Yuuba 23:13)

Lankenemoo 17:9 "Ñiñ ye hakiloo niñ ñaameño le kaniñ. Wo kuñ woorowuloo mu konko woorowuloo le ti, musoo be siiriñ mennu kañ.

Jawoo Miiroolu Kitaabu Senuñ - Bad Mind Scriptures

Maaka 7:21 Kaatu miira jawoolu ka bo nañ moo sondomoo le kono, laañooyaa tuluñ, suuñaaroo, moofaa, (Esekiyeli 38:10)

Luka 12:29 "Wo kamma la, ñiñ kana ali jaakali, ali be meñ domo la, warañ ali be meñ miñ na, sako ali niyo si toora.

Kiilaalu 12:20 Mansa Herodi kamfaata baake Tirenkoolu niñ Sidoninkoolu kamma. Bituñ wolu naata deñ kañ kiliñ na, ì naata a kañ. Balastus meñ be marariñ dookuwolu la, mansakewo la koridaa kono, ì ye wo ke ì teerimaa ti. Ì ye kayiroo daani, kaatu ì la domori sotoo be dendij Herodi la bankoo le la.

Kiilaalu 14:2 Bari Yahuudoolu menu mañ laa, wolu ye moolu sukusuku, menu mañ ke Yahuudoolu ti. Ì naata miira jawoolu dun ì sondomoolu kono Yeesu noomalankoolu la kuwo to.

Roomankoolu 1:28 Baawo ì tawuta le, ì ye ì ñaa kaasi Yehowa la, Yehowa ye ì tu ì la sondome kuu noorijolu kono, fo ì ka kuwolu ke, ì mañ ñañ na menu ke la.

Roomankoolu 8:6,7 Ka i hakiloo tu i fansuñ hame kuwolu kañ, wo ka saayaa le saabu, bari ka i hakiloo tu Yehowa la Nooroo la kuwolu kañ, wo ka baluwo niñ kayiroo le saabu. 7 Kaatu moo meñ hakiloo ka tu hadamadiñyaa kuwolu kañ, a ka ke Yehowa jawoo le ti. A buka soñ Yehowa la Luwaa ma, aduñ a buka hani a ke noo.

Roomankoolu 11:20 Ñiñ ne mu tooñaa ti, bari Yahuudoolu la lannabaliyaa le ye a

tinna ì kuntuta, aduŋ ka bo niŋ i la lannoo dorŋ ne la, i si tu noo i noo to. Wo kamma la, kana i faŋ wara, bari i si sila!

2 Korintinkoolu 10:5 aniŋ faŋ waroo siifaa bee, menu si ke kalewo ti moolu ye ka Yehowa loŋ. Ñ ka moolu la miira jawoolu bayi le fo ì si Kiristu batu.

2 Korintinkoolu 11:3 Bari saayiŋ nte be silariŋ ne ko, ali la miiroolu kana ali filindi ko saa ye Hawa neenee ŋaamen, ka bo niŋ a la feere jawoo la, meŋ si a tinna, ali ye bo ali la soobeeyaa to, aniŋ ali la foroyaa Kiristu ye.

Efesusinkoolu 2:3 M fanaa nene tarata wo moolu kono le nuŋ ka m balajaatoolu la hame kuwolu nooma. Ñ tarata sondiŋ m balajaatoolu niŋ ñ na niidiyaa kuwolu le la. Wo kamma la, ñ niŋ ñ na hadamadiŋyaa mankutoo keta kasaaroo diŋolu le ti, ko hadamadiŋ kotenjolu bee be ŋaamen.

Efesusinkoolu 4:17 M be ali dandalaa la ka ñiŋ bambandi Maariyo kono ko, ali maŋ ŋan na baluu la kotenke ko Yehowa lombaloolu, menu hakiloo ka tu kuu nafantaŋolu kan.

Kolosankoolu 1:21 Bituŋ n naata taa Siriya niŋ Silisiya tundoolu kan. (Mansaaloolu 21:27; Esekiyeli 23:17)

Kolosankoolu 2:18 Niŋ ña Luwaa buruka, n naata muru ña a londi kotenke, wo to ña m faŋ yitandi le ko, m mu Luwaa tiňaalaa le ti.

1 Tesalonikankoolu 5:14 Baadiŋolu, m be ali wakiilindi la, ali si moolu dandalaa, menu maŋ lafi dookuwo la. Ali jooteentunjolu wakiilindi, ali ye moolu maakoyi menu lamfuta, aduŋ ali si ke muňalaa ti moolu bee ye.

2 Tesalonikankoolu 2:2 M be ali daani la, ali kana tariyaa piwu la, waraŋ ka bara, niŋ ali ye kibaaroo moyi ko, Maariyo la luŋo siita le fokabaŋ. Ali sondomoolu kana toora, hani niŋ wo kumoo bota niŋ kiilaariyaa kumoo le la, aniŋ kuma koteŋ, waraŋ leetaroo, ì ko, meŋ bota ntolu bulu.

1 Timoti 6:5 aduŋ ì ka moolu dundi ñoo la le, menu hakiloolu nakarita, ì maŋ tara tooňaa kan kotenke. Wo moolu ye a miira le ko, Yehowa la siloo mu naafulu ñiniraŋo le ti.

2 Timoti 3:8 Ko Yannes niŋ Yamberes balanta Annabilayi Musa ma nuŋ ŋaamen, niŋ karandirilaalu fanaa ka balan tooňaa ma wo le ŋaama, baawo ì hakiloolu nakarita le, ì maŋ lanna tooňaa soto.

Titus 1:15 Feŋo bee seneyaata moo le ye, meŋ seneyaata, bari feŋ maŋ seneyaata moo kosoriŋolu niŋ lannabaloolu ye, kaatu ì hakiloolu niŋ ì sondomoolu bee nakarita le.

Hiburunkoolu 12:3 Ali i miira ate la, meŋ ye wo ñoŋ kuwolu muňa junubelaalu bulu, menu ye a kon. Wo siloo la ali te bataa la, waraŋ ka jikilateyi.

Yankuba 1:8 Wo maarii mu hakilifulatiyo le ti, a maŋ bamban a la sila-wo-sila kan.